

蜀

典

蜀典卷九

老成介侯甫張 澍編輯

動植類

△猛氏咬鐵曾耳食彪文章酒釀麴樹鹽收蛇有歧尾鹿或
雙頭竹林鳥細巴滇馬迥不賢識小何病溝猶

朱橘

傳巽七誨恆陽黃梨巫山朱橘南中茶子西極石蜜

陰沈木

李膺益州記邛都陷爲湖風靜水清猶見城郭樓櫓戛然今水
淺時彼土人沒水取得舊木堅貞光黑如漆今好事人目爲枕

相贈桉逸周書王會篇卜人呂丹沙夸用闕木注木生水中黑色而光堅如鐵集韻茲消切音焦木名皮堅黑若鐵生水中或謂卽今烏木者非也屏山瀕水之處高岸積圯往往出陳木居人掘沙泥亦時得之其理緻其色黝作器具可臚也信呼爲陰沈木當卽闕木

風連

劉遠蜀都賦注云風連出岷山

栝

埤蒼栝藤屬蜀人以織布桉廣韻栝匹卦切集韻卜卦切並音派類篇栝木皮也

莎樹

齊民要術云蜀志記莎樹出麪一樹出一石正白而味似桃柳
出興古桉一引云莎木樹高十餘丈闊四五圍樹巔生葉兩邊
行列如飛鳥皮中有白麪尺許磨屑不可飮信呼莎麪輕滑勝
桃柳麪

給客橙

上林賦注鄧璞曰蜀中有給客橙似橘而非若柚而芳香夏秋
一作冬夏華實相繼或如彈丸如手一作拳指通歲食之一名盧橘桉
通志引花木志文同有脫漏字又常璩志江陽郡有蒟醬給橙
卽給客橙也

春日瓜 石瓜

邵義恭廣志蜀地溫良瓜冬熟有春日瓜細小小辨宜藏正月種三月熟有秋泉瓜秋種十月熟形如羊角色蒼黑物類相感志石瓜出峨眉山巖壑中或云蔓生其文斑然一若小菜瓜形取療腳氣用之足下乘礪得煥則能已氣疾者也

卮葢

史記貨殖傳巴蜀亦沃野地饒卮葢丹砂石銅鐵竹木之器按卮葢卽此葢也上林賦有此葢司馬彪云紫色之葢則此葢紫古通用四民月令九月藏此葢注字林曰葢禦溼之菜卮音紫齊民要術注生葢謂之此葢說文云此葢紫草尔疋釋草藐此

草部氏云可以染紫或以卮爲焉支又或以卮爲梔子樹卽鮮支也見相如賸

斲木

三國志張疑傳斲木堅剛性委曲高不至二丈

交讓樹

張輦博物志交讓樹兩樹相對一樹枯則一樹生如是歲更終不俱生俱枯也出岷山在安都縣按任昉述異記云黃金山有楠樹一年東邊榮而西邊枯一年西邊榮而東邊枯年年常然張輦所謂交讓樹也亦見潯陽記安都縣卽今灌縣交讓卽今楠木兩樹相對一生則一枯其木直上柯葉不相妨

文草

譙周巴蜀異物贊文草作酒能成其味以金買草不言其貴注
曰卽五加皮也按東笮真人煮石經舜常登蒼梧山曰厥金玉
之香草朕用偃息正道此乃五加也又異名曰金鹽昔西域真
人王屋山人王常言何以得長久何不食石蓄金鹽何以得長
壽何不食石用玉豉玉豉者卽地榆也五加地榆皆是煮石而
餌得長生之藥也昔尹公度聞孟綽子董士固共相與言曰寧
得一把五加不用金玉滿車寧得一斤地榆安用明月寶珠是
五加皮本號金草非以金買草也文草通志引作文章誤

机木

山海北山經單狐之山多机木卽注机木似榆可燒以糞稻田
出蜀中音飢

筍竹

廣韻筍竹名出蜀按戴凱之竹譜有筍竹注云筍味落人鬢髮
玉篇筍竹有刺

塗山梨

洞冥記塗山梨大如升色紫千年一花亦曰紫輕梨

扶留

蜀記扶留木根大如箸視之似柳根又有蛤名古賁生水石下
燒以爲灰曰牡蠣粉先以檳榔著口中又取扶留籐長一寸古

資灰少許同嚼之除胸中惡氣稽含草木狀孟詵食療謂蒟醬
卽葦菱其蔓葉名扶留籐一作扶櫨又作浮留李時珍以爲蒟
子蔓生葦菱草同類而非一物嵇氏以二物爲一物謂蒟子非
扶留蓋不知扶留非一種也劉歆期交州記云扶留有三種一
名獲留其根香美一名扶留籐其味亦辛一名南扶留其葉青
味辛是矣今蜀人惟取蔓葉作酒麴云香美

鹽麴樹

陳藏器本草鹽麴樹一名叛奴鹽一名天鹽一名木鹽蜀人謂
之酸桶按博物志云酸桶七月出穗蜀人謂之呈呈音穗其字
从一从口从土卓主客之主不同又按類篇檄楠木名葉如椿

生蜀山中子上有鹽如霜當卽鹽麩樹也

平蒂甘

廣志有甘一核有成都平蒂甘大如升色蒼黃健爲南安縣出黃甘

核果

蜀郡雜鈔梵文甚細如敘果有五棗杏等謂之核果梨柰等謂之膚果椰子胡桃等謂之殼果松子柏仁等謂之檜果大小豆等謂之角果核殼易解膚可咬也角筭言亦稱豆角惟檜頗與核字書巖糠皮謂之檜

赤梗

樊光尔正注梅柟益州曰赤梗葉似豫章無子

戎州李

廣志李戎州所出肉熟而皮猶綠

福鄉奈

類要寧陽雷平山地美可種奈所謂福鄉之奈以除災異

婆羅棉樹

黎州通望縣圖經黎州通望縣有銷樟

花木夜作瘴

院在縣西一百

步內有天王堂前古柏樹下有大池池南有婆羅棉

一作錦樹三

四人連手合抱方匝先生花而後生葉其花盛夏方開謝時不
背而墮宛轉至地其花藥有綿謂之婆羅綿善政鬱茂違時枯

洞古老相傳云是肉齒和尚住持之靈跡也縣界有和尚山和尚廟皆肉齒也按花木考無古老以下數句

黃柑

隨書文帝好食柑蜀中摘黃柑以蠟封其蒂獻之香氣不散按唐史拾遺益州每年進柑子皆以紙裹之後易以布

蓂芝

張溥雲谷雜記蜀中有一種木彼人呼爲蓂芝其樹常高丈餘不甚增長花小而白每一歲開花次年方結子又次年方熟蓋歷三歲子如楮實有文如龜背味甘酸可食今青城山范仙觀邛州蒲江縣崇真觀皆有之故信傳以爲仙果蟠桃三千年一

實世謂方士誇誕之言以此推之六合之外世人所不及安知無三千年一實者哉原注萇烏恢切或呼爲瓊芝蓋語之訛也故臨邛記只作萇芝也

古柏

圖經道家多作柏葉湯常點盞人古柏葉尤奇今盞州諸葛亮廟中有大柏木相傳是蜀世所植故人多採取以作藥其味甘香異於常柏也

楷木

酉陽雜俎蜀中有木類柞然木榮時如枯枿隆冬方萌芽布陰蜀人呼爲楷木

枋

徐鍇說文繫傳按字書枋檀木也又蜀人以木偃魚爲枋按方言云蜀人以木偃魚曰枋楚金說誤又按通典曹公於水口下大枋木成偃遏水人白溝時人號枋頭溝洫志黎陽遮害亭西十八里至淇水口晉桓溫敗於枋頭卽此則方言所言者是矣

楠木

山海經棗山多楠木卽注今蜀中有構木七八月中吐穗穗成如有鹽粉著木可以酢羹音備

枸

說文枸木也可以爲醬出蜀从木句聲徐鍇云史記注說枸木

義多惟顏師古曰子形如山莖緣木而生味尤辛宕渠有之陸
璣草木疏枸樹高大如白楊子長數寸噉之甘美如飴蜀以爲
醬亦書作蒟

鬱木

硯北雜志峽川黃牛廟後鬱木似冬青落葉似符篆不同

黃葛

寰宇記羅目縣東南三十里陽山江潯兩樹對植圍各三尺一
寸上引橫枝互二丈圍徑相接連理蔭庇百尺其木名黃葛嘉
樹敘州府志黃葛木其形如累簾連理合而爲一大者合抱高
數丈葉如橡根喜緣崖壁生擁腫屈曲不爲材用韻書云壽可

千歲按屏山最饒黃葛以甘酒壘者爲最巨益州記云黃葛峽
有相思崖芳泉用灌信謂之神窟在涪州又水經注云江水右
經黃葛峽舊巴志塗山足有古黃葛樹卽黃葛峽也錦繡萬花
谷忠州景德觀前有古木大數十圍枝柯盤鬱如蓋山人云
此黃葛木千年物也南方草木狀榕樹南海桂林多植之葉如
木麻實如冬青樹幹拳曲是不可以爲器也其本稜理而深是
不可以爲材也燒之無焰是不可以爲薪也以其不材故能久
而不傷其蔭十晦故人以爲息焉而又枝條旣繁葉又茂細軟
條如簾垂漸漸入地簾梢入地便生根節或一大株有根四五
處而橫枝及鄰樹卽連理南人以爲常不謂之瑞木是蜀中黃

葛卽榕也

長樂萼

傳休奕紫花賦序紫花一名長樂萼舊生於蜀其東界特饒中國奇而種之余嘉其萼純耐久可歷冬而服故與友生各爲之賦

椒

蜀郡賦注云岷山特多藥其椒特多好者絕異於天下之好者

文山芝 文山采石

焦贛易林文山紫芝雍梁朱草生長和氣福祿來處按焦氏所言文山卽汶山也山海中山經汶山亦作文山汶山卽岷山也

應劭漢書注文山今蜀郡岷山蓋古字通用穆天子傳天子三
日游於文山于是取采石部注云以有采石故號文山經云岷
山多白珉穆傳言取采石蓋謂此

和尚蕈

成都記縣淨慧寺近池人多捕魚爲業僧惠寬與受戒且曰
尔輩不當以此爲給吾能令汝所得不失于舊因指其池畔盡
生菌蕈漁人採之省力得利後人呼爲和尚蕈也

旋覆根

朝野僉載筋斷須續者取旋覆根絞取汁以筋相對以汁塗而
封之卽相續如故蜀兒奴逃走多割筋以此續之百不失一按

旋覆本草謂之金沸草綱目謂之金錢花尔正謂之盜庚酉陽雜俎一名毘尸沙自梁武帝時始進入中國寇宗奭曰旋覆葉如大菊又如艾蒿秋開花大如梧桐子花淡黃色

薑

本草云薑草可以染流黃作金色生蜀中蘇恭掌禹錫皆云信名萊薺草尔正所謂王芻詩淇澳之萊也按說文有薑又別有萊則薑非萊明矣

舞草

酉陽雜俎舞草出雅州三葉如決明一葉在莖端兩葉居莖之半相對人或近之歌謳及抵掌必動葉如舞也李時珍謂卽虞

美人草亦無風獨搖之類或曰如雞冠花葉兩兩相對

翹兒花

蜀中詩話張泌江城子詞金簇小蜻蜓按小蜻蜓之飾正所謂翹兒花也

漏蘆花

方書漏蘆一名飛廉本草飛廉一名負盤蜀人食之辣辛澍于同鄉楊春洲寓見之其葉如龍爪花色淺黃高五尺許初問之僕人云漏綠花蓋漏蘆花也

黃環

陶勝力別錄曰黃環生蜀郡山谷三月採根陰乾吳普曰蜀黃

環一名生芻二月生苗正赤高二丈葉黃圓端大經葉有汁黃
白五月實圓三月采根黃色從理如車輻解陶弘景曰似防已
亦作車輻理解蜀都賤云青珠黃環卽此或云是大戟花定非
矣用甚稀市人尠有識者蘇恭曰黃環惟襄陽大有餘處雖有
亦稀巴西人謂之就葛今園亭亦種之作藤生大者莖徑六七
寸根亦葛類

洛陽花

胡元質牡丹記蜀中自李唐後未有此花凡圖畫者皆名洛陽
花至僞蜀宣華苑中牡丹雙開者十黃者白者俱三黃白相間
者四後主宴苑中賞之而花盛矣有花面徑七八寸葉至五十

者有檀心如墨者香聞五十步及蜀平花散落民間小東門外有張百花李百花之號

菹香

按蜀都縣劉淵注云菹一名土茄葉覆地生根可食人飢則以繼糧風土記云菹香菜根似茅根蜀人所謂菹香又按菹并菹同側立切作菹者誤卽今魚腥草也凶年人掘食之

大巢菜

項安世曰薇今之野豌豆也蜀人謂之大巢菜按今四川人指豌豆煥稍食之謂之豌豆顛顛謂苗之尖也段若膺謂顛古之采於山者野生者也其說非

狂花

南史宋劉亮爲益州刺史齋前石榴樹陵冬生花道士邵碩曰此謂狂花

渝州蓮萼

吳均齊春秋渝州西百里相思寺北石山有佛跡十二皆長三尺許闊一尺一寸深九寸中有魚文在佛堂北十餘步貞明三十年十月寺側泉內忽出紅蓮花面廣三尺遊旅往還無不歎訝經月不滅昔齊荊州城東天子井出錦子時士女取用非常錦不異經月乃歇亦此類也

朝日蓮

朱景文筆記云蜀中有蓮大如雀殼葉舒如錢幹亦有絲其莖
盛開則向日朝指東亭朝朔南夕則西指隨日所指蜀人名曰
朝日蓮按鄧熊番禺雜記海南有向日蓮花似木芙蓉而極香
其花東西向日至莫而謝一呼夜合是朝日蓮不獨蜀中有也

賽蘭花

勞奇花木考蜀中有花名賽蘭花小如金粟香特馥烈戴之髮
際香聞十步經日不散

羊負來

博物志昔洛中有人驅羊入蜀而胡臬子多刺粘綴于羊毛之
中蜀人得其種植之名曰羊負來俗呼爲道人頭按陶宏景注

本草云一名羊負來昔中國無此物言從外國逐羊毛中來也
据張粦說蜀中無此自中國至彼來據隱居說中國無之自外
國來差互如此蓋卽詩之卷耳尔正之蒼耳廣疋之苓耳陸璣
疏之耳瑤草本草之臬耳一名胡臬一名地葵一名施鄭康成
謂幽州人呼臬耳陶宏景謂之常思菜崔實四民月令作蔥耳
卽臬耳也

稗草

酉陽雜俎蜀人飼馬以稗草以蘿蔔根飼馬馬肥

變牛

尔疋摩牛部注出巴中重千斤又犂牛部注卽變牛也如牛而

大肉數千斤出蜀中山海經云岷山多犍牛郭注云今蜀山中
有大牛重數千斤名夔牛晉太興元年此牛出上庸蜀人斃殺
得三十八擔肉卽尔疋所謂犍按俗稱犍牛卽靈夔非也夔似
牛一足犍牛四足夔無角犍牛有角夔水獸犍牛山獸也

稍割牛

博物志越嶲郡有牛稍割取肉經日必復生如故按歷國傳云
其國有稍割牛黑色角細長可四尺餘十日一割不割便困且
死人服牛血皆老壽國人皆壽五百歲牛歲亦等於人天竺屬
國也予中記大月氏有牛名日及今日割其肉明日瘡愈卽此
牛也近刊寰宇記作及牛漏脫日字誤矣又涼州異物志云月

氏有羊尾重十斤割之供食尋生如故亦日及牛之類也

兩頭鹿

博物志益州有兩頭鹿名茶首音蔡茂按一本作茶苴機音蔡茂機或作蔡余義又作蔡苴機卽南蠻傳所謂食藥鹿也藥卽押不盧毒草也一名食毒鹿粵陽國志此鹿出雲陽南郡熊舍山卽余義也西陽雜俎兩頭鹿亦名耶希又作耶命夸人謂鹿爲耶謂屎爲希唐韻屎字音希卽此義博物志又云其胎以四月取可治蛇虺毒溼書言一身兩頭而角累列亦卽董道所云千角鹿也盛弘之荊州記峽陵罷雲陽縣點蒼山產兩頭獸似鹿前後有頭一頭食一頭行山人時或見之按點蒼係雲南山

盛說誤且兩頭者竝頭也謂前後有頭亦謬

雲臺山鹿

抱朴子昔張謐踊及偶豪成二人精思于蜀雲臺山石室中忽有四人黃絹單衣葛巾往到其前曰勞乎道士辛苦幽隱于是二人顧視鏡中乃鹿也按巴縣三臺閣中犍爲長壽皆有雲臺山

猛氏

史記司馬相如傳格蝦蛤鋌猛氏注溼書音義曰蝦蛤猛氏皆獸名郭璞曰今蜀中有獸狀如熊而小毛淺有光澤名猛氏按猛氏卽猛豹也西山經云南山多猛豹郭注猛獸似熊而小毛

淺有光澤能食蛇食銅鐵出蜀中豹或作虎說文云獬似熊而黃黑色出蜀中猛豹亦卽獬豹也

果然

李肇國史補劍南人之采果然者獲一果然則數十果然可盡得矣何哉其果然性仁不忍傷類見被獲者聚族而啼雖殺之終不去也太平寰宇記戎州奇地出獬獬似猿而四足短一騰一百五十步迅如飛鳥埤疋果然愛其類生相聚死相赴殺一可以致百故周官驪車然禋以明安則相求患難則相赴也

王衍馬

清異錄魏王繼岌奉命伐蜀王衍苑馬數百皆逸足也繼岌猶

比選之得二十許匹格價不可言其名曰麝香駒錦耳驄駱十
二趁日驄偏界玉陷水駒長命駒孫兒驄籠鞍白八百哥掠地
雲宰地嬌六尺金

蜀馬

李濟翁資暇錄成都府出小驄以其便于難路號爲蜀馬金陵
宣城郡亦有小馬時人皆呼爲宣州蜀馬語習不悟良可笑焉
巴滇馬

襄陽耆舊傳曰盧古盧戎也縣西山中有一道溼時常有數百
匹馬出其中馬形皆小似巴滇馬三國時陸遜攻襄陽又值此
穴中有數十匹馬出遜載還建業蜀使來有五部兵家滇池者

識其馬也云亡父所乘對之流涕

老易小魚

鄧義恭廣志老易小魚大如鍼號一斤千頭蜀人以爲醬按廣東陽江縣之鰯魚兒卽段公路北戶錄雲恩平州所出之鵝毛脰亦此類也元和志云鵝毛脰乃鹽藏鰯魚其味絕美細如鰕

義鼠 石鼠

異苑義鼠形如鼠每行遞相咬尾三五爲羣驚之則散信云見之者有吉兆成都有之劉昌嗣類山蜀中出石鼠毛可爲筆其名鼯

涪陵鳴龜 廣瀝金龜

譙周巴蜀異物志涪陵多大龜其甲可以卜其緣中又似瑇瑁俗名曰靈父鄣璞尔疋注蟪出涪陵郡大龜也其緣甲文似瑇瑁能鳴甲亦可卜俗呼靈龜是矣華陽記朐忍縣出靈龜咸熙元年獻龜於相府言出自龜溪也朐忍舊爲涪陵地華陽國志涪陵山有大龜其甲可卜其緣可叙世号靈叙錄異記老成三年庚午六月五日癸亥廣瀝太守孟彥暉奏西湖有金龜徑寸遊於荷葉之上圖画上聞

臃龜 煮龜

異苑元嘉初益州刺史遣三人入山伐樵路迷或見一大龜如

車輪四足各躡一小龜而行又有百餘黃龜從其後三人叩頭
求示出路龜乃伸頭若有意焉因共隨逐龜得出路一人無故
取小龜割以爲臠食之須臾暴死惟不噉肉者無恙錄異記唐
蜀民有於江之上獲巨鼃者長尺餘其裾朱色煮之經宿游戲
自如又加火一日水涸而鼃不死舉家驚懼以爲龍也投于江
中浮泛去

會耳獸

張鷟耳目記周永昌中涪州多虎暴有一獸似虎而絕大逐一
虎噬殺之錄奏檢瑞應圖乃會耳也不食生物有虎則殺之按
朝野僉載唐天后中涪州蒼龍界多虎暴有一獸似虎而絕大

日正午逐一虎入人家噬殺之亦不食由是縣界不復有虎矣
錄奏檢瑞圖乃曾耳不食生物有虎暴則殺之也

狢

說文云獬狢似熊而黃黑色出蜀中郎璞山海經注邛來山有九
折坂出獬狢似熊而黑白駁亦食銅鐵也按字林獬狢似熊黃黑
出蜀一曰白豹也獬狢與獬同即尔疋之白豹山海經之猛豹也
今四川山中有此獸采薪者攜鐵飯甑入山每爲所齧其齒則
舛民用爲僞佛齒

黃腰

蜀地記黃腰一名墀微一名虔已鼪身狐首生子長大羣逐其

母令不得飲將有所求而易先此獸則不得矣

鉤蛇

水經若水注云山有鉤蛇長七尺尾末有歧在山閒水中以尾鉤岸上人牛馬食之又李石續博物志朱提山有鉤蛇云云昇水經注所說同邵璞中山經注今永昌郡有鉤蛇長數丈尾歧在水中鉤取岸上人牛馬咬之又呼馬絆蛇謂此類也北夢瑣言云蛟涎沫腥粘掉尾纏人而噬其血蜀人號爲馬絆蛇頭如貓鼠有一點白濩州古城潭內馬絆蛇往往害人鄉里募勇者伐之身塗藥游泳於潭底蛟乃躍於沙汭蟠蜿力困里人譴噪以助竟斃之孫光憲以馬絆爲蛟恐非

馬產龍駒

蜀志馬鳴溪昔上人鄭氏牧溪上馬產龍駒四蹄利爪朱鬣頰尾高七尺振鬣長鳴躍于水故名

五角羊

後漢書蜀汶山郡有五角羊按九州要記云汶山郡有鹿又有五角牛疑牛字誤北史吐谷渾拾寅通使于宋獻四角羊是松茂一帶兼有五角四角羊也

羴羊

本草羴羊出西番耳甚小西人謂之羴耳羊按威茂州出龍羊

野馬

陳禹謨名物考楚蜀界中多貉俗名野馬其皮紋上圓下方旁如魚鳥狀寢處其皮者能解醒設有警急輒毛豎乃知古人用呂製裘不特取其溫厚也

巴州兔

酉陽雜俎韋絢言巴州兔作狸斑

穀

按說文犬屬獬以上黃獬已下黑食母猴或曰穀似牂羊出蜀北嶺山中犬首而馬尾又按說文云北嶺山有獨狝獸如虎白身豕鬣如馬山海經云北嶺之山有獸焉狀如虎而白身馬尾犬首龜鬣名曰獨狝是獨狝卽穀也廣韻作穀集韻音遘

鰓骨魚

鄮義恭廣志云犍爲郡犍道縣出鰓骨黃魚按南中八郡志云黃魚形似鰓骨如蔥可食今屏山有之

沙綠魚 鯀魚

藥苑詳注沙綠魚魚之細者生隈瀨中狀如鯿大不五寸味甚美蜀人珍之按唐地理志利州土貢鯀魚出蜀江背鱗黑而膚理似玉蜀人以爲鱠極美

魚頭戴鐵釜

南中志曰邛都縣東南數里有水名邛廣都河從廣二十里深百餘丈有魚長一二丈頭特大遙視如戴鐵釜狀

通川河獺

朝野僉載通川界內多獺各有主養之並在河側岸間獺若入穴插雉尾于獺孔前獺卽不敢出去卻尾卽出取得魚必須上岸人便奪之取得多然後自喫喫飽卽鳴板以驅之還插雉尾更不敢出

比翼鳥

逸周書巴人以比翼鳥孔晁注巴人在南者比翼鳥不比不飛其名曰鵽鵽

文鵽

逸周書蜀人以文鵽文翰者若鵽

雉作鳥雞者誤

孔晁注曰鳥有文

采者臯雉似鳧冀州謂之澤特部璞尔正鶡天雞注鶡雞赤羽引逸周書曰文鶡若采雞成王時蜀人獻之按酉陽雜俎魚復縣南山有鳥大如鴈鵠羽色多黑雜以黃白頭頗似雉有時吐物長數寸丹采彪炳形色類綬因名吐綬鳥今有吐綬雞蓋文鶡之類唯蜀有之馬邊雷波屏山地最夥大如翟五色仰日吐綬長一尺許須臾還收之嗉臆前大如斗行慮觸嗉一名避株鳥

益州獻鸚母

劉艾漢帝傳曰興平元年益州蠻夸獻鸚母三詔曰往者益州獻鸚母三枚晝夜食三升麻子今穀價騰貴此鳥無益有損可

付安西將軍楊定因令歸本土

長鳴雞 背明鳥

西京雜記成帝時交趾越徭獻長鳴伺晨雞卽下漏驗之晷刻無差雞長鳴一食頃不絕長距善鬪通志引刪伺晨雞三字則所云下漏驗之晷刻無差爲贅語矣王子年拾遺記黃龍元年吳始都武昌時越徭之南獻背明鳥形如鶴狀止不向明巢常對北多因少毛其聲百變聞鐘磬笙竽之音則奮翅搖頭

子母鵲

彭乘墨客揮犀夔峽閒有子母鵲比常鵲差大雌雄未嘗相離虞者必雙得之閉雌于籠中縱雄出食食飽則歸縱雌亦然若

雙縱則去不復還矣

鷺鳥

山海經北山之內有蛇山蛇水出焉東入於海有五采之鳥飛蔽一鄉名曰鷺鳥郭璞注藻宜帝元康元年五色鳥以萬數過蜀都卽此鳥也

王母鳥

杜詩注宋中官陳彥和在宣和開掌苑禽言蜀中貢王母鳥狀如燕色紺翠碧尾甚長飛則尾開顫鬣如兩旗

竹林

杜詩竹林爲我啼清晝吳若本注竹林蜀中鳥名西清詩話崇

寧閒有貢士自同谷來籠一鳥大如雀色正青善鳴曰此竹林鳥也海錄碎事竹林靜啼青竹笋竹林鳥名也

壓油

庶物異名疏益州有蟲曰壓油者形似水鳧每自暮時從水出白呼其名入因而採取以重石壓之油卽津津油罄皮存投水復生蓋亦一種業報內典所謂壓油殃者是也

蒼鴿

天中記蜀有蒼鴿狀如春花

轂轆鳥

正字通鴟鴞蜀人呼轂轆鳥

竹蜜蜂

酉陽雜俎蜀中有竹蜜蜂好於野竹上結窠大如雞卵有帶長尺許窠昇蜜吐紺色可愛甘倍于常蜜又有蜂狀如蠟蜂稍大飛動疾好圓裁樹葉卷入木竅及壁罅中作窠段成式嘗發壁尋之每葉卷中實以不潔或云將化爲蜜亦見孔氏六帖

倅鬱

北夢瑣言陳藏器本草云砂倅又名倒行狗子蜀人號曰倅鬱旋乾土爲孔常睡不動取致枕中令人夫妻同悅愚始遊成都止逆旅并賣藥草李山人相熟見蜀城年少往往欣然而訪李生仍以善價酬因詰之曰媚藥徵其所用乃砂倅并陳氏所說

同李生亦秘其所傳之法人不可得也老陵山出媚草無賴者以銀換之有因其術而男女發狂罹旤非細也

雪蛆

江鄰幾雜志曹方湖爲御史嘗刷卷四川言彼處高山深雪中出雪蛆官府遣軍士四山高處懸望雪中蠕蠕而動者則往取之渾如小豬無口足眼鼻儼然蛆形也其身全脂切片而食不易得也按雪蛆卽雪蠶也草木子云雪蠶生陰山北及峨眉山北二山積雪不消生蛆大如匏俗呼雪蛆味甘美可食

佛現了

陸深蜀都雜抄陝西黃臣言向爲川轄時親登峩峩觀佛光光

未發時有鳥先飛過若言施主發心菩薩來到光既散復來作聲施主布施菩薩去了又拾藏山中白石大小皆六稜照耀有光采疑光怪卽此石所爲也近余承勛亦言兩宿其上登絕頂亦見光具五采俯視在雲壑中其言白石昇黃同唯言鳥聲共三字若言佛現了其鳥類雀而稍大只有三枚別無種類三鳥飛佛殿中常就僧食但不見有長育耳

蜀典卷十上

卷威介侯甫張 澍編輯

著作類

蜀之能文不獨卿雲趙談周易莊注老君凡將難字清英
奇聞陽城經古允南論紛搜采一二齒頰芳芬

幽魄曲 東平歌 龍歸曲 與邪歌 伊鳴曲

琴操秦惠王以美女遺蜀王死葬之后鏡王追思之作幽魄之
曲按蜀王本紀蜀國志皆言恣都丈夫化爲美女蜀王納爲
妃非秦惠王所遺也寰宇記引蜀記云妃不習水土欲去王作
東平之歌以悅之物故作與邪之歌龍歸之曲龍歸一作就歸

誤又按揚雄蜀王本紀荅都人有善知蜀王者將其妻女適蜀居蜀之後不習水土欲歸蜀王心愛其女畱之乃作伊鳴之歌聲六曲以舞之其說又异前異

李冰碑

金石文秦蜀守李公官湔壩陂碑深淘渾淺包陂注渾古灘字陂卽堰也按爾疋釋水渾沙出注今江東呼水沙堆爲渾又歲在中曰湔灘史記作苒漢又作湔漢孔廟禮器碑作湔歎是渾灘漢歎古字通用也淺包陂一引作堰誤

楊終賸雷電

袁山松書曰時蜀郡有雷震決曹楊終上白記以爲斷獄煩苛

所致太守乃令終賤雷電之意而奇之

楊終晨風詩

益部耆舊傳曰楊終徙於北地望松縣而母於蜀物故終自傷被罪充邊乃作晨風之詩以舒其憤也按本傳太守廉范爲州所考終兄鳳爲郡吏遣鳳候終終爲范遊說坐徙北地蜀易國志終坐太守徙邊作孤憤詩卽晨風詩也

趙賓說易

莽漢書儒林傳蜀人趙賓好小數書後爲易飾易文以爲箕子明夸陰陽氣亡箕子箕子者萬物方蒞滋也賓持論巧慧易家不能難然皆曰非古法也云受孟喜喜爲名之後賓死莫能持

其說喜因不肯仞顏師古曰此箕子者謂殷父師說洪範者也而賓矣爲說耳按若箕子爲夢茲則文王又何解乎顏氏駁正良是

怨家益法言

太平御覽揚子恬沒寡營以賣文自贍文不虛美人多惡之及卒怨家取法言援筆益之曰自周公以來未有如安瀼公之懿也勤勞則過於阿衡云云繕寫多行於世至今無有白其心跡者按抱朴子曰王莽之世賣餅小人皆得等級斗筭之徒兼金累紫揚子雲確然忠貞之節形矣亦可見莽大夫之誣顯目也

法言

論衡揚子雲作法言蜀富人齎錢十萬願載於書子雲不聽夫
富無仁義之行猶圈中之鹿欄中之牛也安得妄載班叔皮續
太史公書載鄉里人以爲惡戒邪淫枉道繩墨所彈安所避諱
太乎

論衡揚子雲作太乎侯鋪子隨而宣之按鋪子侯芭字芭鉅鹿
人

綿竹頌

呂翰文選注揚雄常作綿竹頌成帝時直宿郎誦此文帝曰似
相如之文莊曰非也此臣邑人揚子雲帝卽召見拜黃門侍郎
揚雄銘詩

古文苑揚雄作繡補靈節龍骨銘詩三章按揚雄答劉歆書雄
先作縣邸銘壬何頌階闢銘及成都城四隅銘楊莊誦之于成
帝雄遂以此得外見雄爲郎之歲得觀書於石渠後一歲作繡
補靈節龍骨之銘詩三章成帝好之

揚雄益州箴

岩岩岷山古曰梁州尋易西極黑水南流秦作無道三方潰叛
誼兵征暴遂國於漢拓開疆宇恢梁之野列爲十二光羨虞夏
牧臣司梁是職是圖經營盛衰敢告士夫

揚雄主爲論

路史注引揚雄主爲論云夫心與治游乎太和惟唐虞能充其

任神氣化蕩乎無境惟伏羲能承其統故二十五絃之具非牙曠不能以爲神弓矢質的之具非羿逢不能以爲妙

司馬相如氣候值時書

王愔文字志云司馬相如采日蟲之禽屈伸其體升降其勢以象四時之氣爲氣候值時書後漢東陽公徐安子搜諸史籀得十二時書蓋象形聲按書史云相如作凡將篇妙辯六律測尋二氣采日蟲之禽屈伸其體升伏其勢象四時之氣爲之興降曰氣候值時書又後漢東陽公徐安子搜諸史籀得十二時書皆象神形也西易雜俎云南中有蟲名避役一日十二辰蟲狀似蛇醫腳長色青赤因蠶暑月時見於籬壁間俗云見者多稱

意事其首條忽更變爲十二辰狀是相如之爲氣候值時書卽取十二辰蟲之善變也方以智曰王愔目有十二時書許慎說文于干支諸字必有曲說舍易之氣可見當時好立此義久矣

凡將篇佚文

漢書藝文志司馬相如凡將一篇又云司馬相如作凡將篇無復字按說文嘯字下引司馬相如說淮南宋蔡歌舞嘯喻凡將篇之文文皆七言卓急就篇同而毛季斧本添歌字外矣又按文選蜀都賦注引凡將曰黃潤纖美宜制禪歐陽詢藝文類聚引凡將曰鐘磬竿笙筑坎侯茶經引凡將篇云烏喙桔梗芫芣欬東貝母木槩蒨芩草芍藥桂漏蘆飛廉瞿茵薜訖白欬白

芷菖蒲芑消莞椒茱萸此又不可以七言讀矣疑有訛脫字

司馬相如荆軻贊

任昉文章緣起司馬相如荆軻贊世已不傳厥後班孟堅漢史以論爲贊至宋范華更以韻語按漢藝文志雜家有荆軻論五篇軻爲燕刺秦王不成而死司馬相如等論之是長卿旣爲論復有贊也

王褒碧雞頌

文選廣絕交論注引王褒碧雞頌曰持節使者敬移金精神馬剽剽碧雞歸來漢德無疆黃龍見兮白虎仁歸來歸來可以爲倫歸來翔兮何事南荒案漢書南蠻傳注引曰持節使者王褒

謹拜南崖敬移金精神馬縹碧之雞處南之荒深谿回谷非土
之鄉歸來歸來溱德無疆廉平唐虞澤配三王無黃龍以下數
句又文選注引剽剽作縹縹廉平作廣平澤配作德配今志引
縹縹作綜綜誤

莊遵老子注序

昔者老子之作也變化所由道德爲母効經列首天地爲象上
經配天下經配地陰道八陽道九以含行陽故七十有二首以
陽行陰故分爲上下以五行八而上經四十而更始以四行八
故下經三十有二而終矣陽道奇陰道偶故上經先而下經後
陽道大陰道小故上經眾而下經寡陽道左陰道右故上經覆

來下經覆往反覆相過淪爲一形冥冥混沌道爲中主重符列
驗以見端緒下經爲門上經爲戶智者見其經效則通乎天地
之數陰陽之紀夫婦之配父子之親君臣之義萬物敷矣按君
平注如益我貨者損我神生我名者殺我生又言爲禍匠默爲
害工進爲妖式退爲孽容理甚淵微

莊遵座右銘

夫疾形不能遁影大音不能掩響默然託蔭則影響無因常體
卑弱則禍患無萌口舌者禍患之門滅身之斧言語者天命之
屬形骸之部出失則患入言失則兇身是以聖人當言而標發
言而憂如赴水火履危臨深有不已當而後嗜欲者潰腹之矛

貨利者喪身之讐嫉妬者亡軀之害讒佞者刎頸之兵殘酷者
絕世之殃陷害者滅嗣之場淫戲者殛家之塹嗜酒者窮餒之
數忠孝者富貴之門節儉者不竭之源吾日三省傳告後嗣萬
世無遺

諸葛武侯司馬季主墓碑讚

案真誥司馬季主後入委羽山石室大有宮中受石精金炁藏
景化形法於西靈子都西靈子都者太玄仙女也其同時在大
有室中者廣甯鮑叔陽太原王養伯潁川劉璋惠代郡段季正
俱受師西靈子都之道也季主臨去之際託形枕席爲代已之
像墓在蜀郡成都升盤宜當作遷山之南諸葛武侯建碑銘德於

季主墓前碑讚末曰予漢太寂混合含易天地交泮萬品滋章
先生理著分別柔剛鬼神以觀六度顯明季主得道後嘗朝服
明丹之華挹扶晨之輝顏如少女須三尺黑如墨子二人男名
法育一作消女名濟華俱在委羽山真誥又云季主咽虹液而頭
足異處劍經注云吞刀圭而蟲流今東鄉說云託形枕席爲代
己之像似當是作鍊形靈丸兵解去也漢史既不顯其終無以
別測其事也又集仙傳云季主楚人北遊五六年西入蜀居青
城山老人邨

杜瓊重思稻賤

酉陽雜俎鄴都稻名重思其米如石榴子粒稍大味如夢杜瓊

作重思稻賤曰霏霏蒼莫翠矣重思雲氣交被嘉穀應時校眞
詰云鄆都山上樹木水澤如世間但稻米極大味如菱名爲重
思耳杜瓊作賤曰霏霏蒼茂翠矣重思靈烝交被嘉穀應時四
時旣享祝人以祀神禾鬱中浩京巨穗橫我辛臺爰有明祥帝
者以熙此之謂也稚川所引較柯古多七句神禾句上脫漏一
句惜不得善本補之又莫作茂靈作雲不同也杜瓊字伯瑜成
鄆人譙周之師官議曹從事歷左中郎將

費偉甲乙論

殷鑒通語曰司馬懿誅曹爽費偉設甲乙論甲以曹爽兄弟凡
品庸人吹宗子枝屬得蒙顧命而驕奢僭逸交非其人私樹朋

黨謀以亂國懿奮誅戮一朝殄盡此所以副士民之望也乙以爲懿憾曹仲附已不一豈爽於相干事勢不專以此陰成疵瑕初無忠告侃爾之訓一朝屠戮讒其不意豈大人經國篤本之事乎若爽信有謀主之心大逆以構而發兵之日更以芳委爽兄弟懿父子從後閉門舉兵蹙而向芳豈忠臣爲君深謀之謂乎以此推之爽無大惡明矣若懿以爽奢僭廢之可也滅其尺口被以不義絕子丹血食及何晏魏之親甥亦與同戮爲僭濫不當矣

秦宓遠遊詩

藝文類聚載秦宓遠遊詩云遠遊何所見所見邈難紀巖穴非

我隣林麓無知己虎則豹之兄鷹則鶴之弟因獸忝環岡飛鳥
驚巢起猛氣何咆厲含風忝千里遠遊長太息太息遠遊子

劉向塗山氏頌

列女傳塗山氏頌曰啟母塗山維配帝禹辛壬癸甲禹往敷土
啟呱呱泣母獨論序教諭以善卒繼其父

曹植塗山氏讚

初學記禹妻塗山土功是急惟啟之生過門不入矯達明義勲
庸是執成長聖嗣天祿以襲

郭璞識記

校老連驛有郭璞識記云縣路翠老功貴縣路青老功榮宋慶

元丁巳縣令何王治路刻石記之名種松碑今碑尙完好
即老連也又名勝志鄰水有鴛鴦池故老傳郭璞遺碑云日出
照粵山金銀對馬鞍鴛鴦池裏宿雲版響三潺蓋天池山下溪
中有一石每擊則響聲三應今謂之響石板又書樓山郭璞記
云書樓山是孔子背書樓

郭璞岷山贊

山海經岷山贊云岷山之精上絡東井始出一勺終致淼溟作
紀南夏天清地靜

郭元祖葛由讚

晉郭元祖列仙傳葛由讚曰木可爲羊羊亦可靈靈在葛由一

致無經爰陟崇綏舒翼揚聲知術者仙得桃者榮

赤斧讚

郭元祖列仙傳赤斧讚曰赤斧頤眞發秀戎巴寓迹神祠瀕鍊
丹沙髮雖朱蕤頭華丹葩采藥靈山觀化南遐

邗子讚

郭元祖列仙傳邗子讚曰邗子尋犬宕入仙穴館閣峩峩青松
列列受符傳藥往來交結遂栖靈岑音響昭徹

袁休明巴蜀記

水經注引袁休明巴蜀記云高山嵯峩巖石磊落傾側縈迴下
臨峭壑行者扳緣牽援繩索

竿橋贊

李膺竿橋贊云複引一索飛經棧閣其名曰竿人縣半空渡彼絕壑案唐獨孤及竿橋贊竿橋絙空相引一索人綴其上如猱之縛轉帖入淵如鳶之落尋橦而上如魚之躍頃刻不戒賈無底壑

杜子美詩

采蘭雜志昔杜子美詩有得意者宗老年十二恆於暗中誦之言紙有金字光明射目

司馬膺之注蜀都賸

北齊書司馬膺之好讀太平經注揚雄蜀都賸每云欲與子雲

周旋案司馬膺之世雲弟子如之從子厯中書黃門郎

健為舍人爾雅注

釋詁第一

冢大也 輅車之大也冢封之大也

書舜典正義

荀子哀公篇楊倞注邢昺爾雅

疏上也字校舊誤作者

漠謀也 漠心之謀也

釋文邢疏

按釋文作心之謀今从疏所引

黃髮覲齒鮐背耆老壽也

黃髮老人髮白復黃也鮐背老人

氣衰皮膚消瘠背若鮐魚耆覲也血氣精華覲竭言色赤黑

如狗矣

書正義邢昺疏

南山有臺詩正義

春秋僖二十二年正義

李巡注同

諱浪笑敖戲諱也 諱戲諱也浪意朗也笑心樂也敖意舒也

戲邪戲也諱笑之貌也 毛詩正義 邢疏 按詩正義朗誤作萌今从邢疏舊本邪戲也上有笑

字今按 當衍

仇匹也 仇相求之匹 詩正義

紹肩繼也 紹繼道也肩繼世也 春秋隱十一年正義 一切經音義

悠遠也 悠行之遠也 一切經音義

崇充也 威大充盛 左傳正義 舍人本崇當作威 校

圉垂也 圉拒邊垂也 詩正義 邢疏 春秋正義

果肩堪勝也 肩強之勝也 書正義 邢疏

余身也 余卑謙之身也 春秋正義 邢疏作謙卑之身 校

著作類

癰癰瘰癧 皆心憂憊之病也

釋文邢疏

泯啓殲盡也殲眾之盡也

皆正義邢疏

寔速也 寔意之速

詩正義

勞來勤也 勞力極也來强事也

一切經音義

怒思也 怒志而不得之思也

詩正義邢疏

話言也 話政之善言也

書正義

匿蔽竄微也 匿藏之微也蔽覆障使微也竄行之微也是皆

微昧不顯揚也

春秋正義邢疏

毗劉暴樂也 毗劉爆爍之意也木枝葉稀疎不均為爆爍

詩正義

邢疏 校詩正義引舍人注作爆爍則釋文所指暴樂作爆爍者當即是舍人本

榑榑榑也 榑正也築牆所立兩木也榑所以當牆兩邊障土

者也費誓正義 詩正義 春秋正義 邢疏

禋祀祠祭也 祀地祭也祠天祭也一切經音義

棲遲憩歛歛咽息也 棲遲行步之息也憩臥之息也書正義 一切

經音義 邢疏

供峙共具也舍人本 峙作侍共具物也侍具事也文選揚子雲 羽獵賦注

串習也 串心之習也一切經音義

饁饁饋也 饁自家之野也詩正義 邢疏

伯長也 伯位之長也一切經音義

算數也 釋數之曰算書正義

亂治也 亂義之治也 書正義 邢疏

溫慎也 溫行之慎也 詩正義 邢疏

享孝也珍享獻也 獻珍物曰珍獻食物曰享 文選揚子雲 羽微賤注

在察也 在見物之察 書正義

尼定也 尼者私之定也 邢疏

昵近也 昵戚之近也 春秋正義

卒終也 卒病之終也 一切經音義

煨煖也 煨溫煖也 書正義

驛傳也 爾雅本作驛 驛尊者之傳也 春秋正義

奭奭躍 釋文云赫赫 人本作奭奭

釋言第二

原再也

舍人本作
羶音同

臞瘠也

臞瘦也

史記司馬相
如傳索隱

啜茹也

啜茹食也

春秋
正義

禦圉禁也

禦圉未有而預防之也

一切經
音義

愷悌發也

按詩正義舍
人本愷作閭

閭明發行

詩正
義

按李巡孫炎注
竝同亦見詩疏

蓋割裂也

按蓋舍人
本作害

釋文

庇麻蓀廕也

庇蔽也蓀依止也

春秋正義
邢疏

祺祥也

祺福之祥也

詩正義
邢疏

琛寶也

美寶為琛

詩正義
毛詩音義
平御覽引為字作日

按太

茅明也

茅昧之明也

春秋正義
邢疏

麓燭也

麓所謂毛也燭胡人績羊毛而作衣

書正義
邢疏

詩正

按書正義作麓謂毛屬也胡人績羊毛而作衣今从詩正義引

烘燎也

熤熤也

烘以火燎也熤熤竈也

詩正義
邢疏

庶侈也

按詩正義云釋言文引舍人爾疋庶彫也是舍人本侈作彫

庶熙也彫多也

詩正

耄老也

年六十稱也

春秋正義

鄧過也

尤怨人也

文選賈誼弔屈原文注

憺怒也

憺怒聲也

詩正義
邢疏

緇介也

舍人本作經

緇羅也介別也

釋文

寃闇也

釋文舍人本作曉

跳者躍之間

釋文

潛幽深也

哲智也 潛下之深也 哲大智也

書正義邢疏

賃僵也

背踣意也

春秋正義

俚暇也

閒暇無事也

春秋正義 按春秋正義引舍人李巡注俚均作遲

宵夜也

宵陽氣消也

書正義邢疏

廩鮮也

廩少鮮也

釋文邢疏

覲姑也

覲擅也 一曰覲貌也 謂自專擅之貌

釋文

按一曰覲貌也 余蕭

客引覲作而

隍壑也

隍城池也 壑溝也

詩正義

釋訓第三

明明斤斤察也

明明甚明也 斤斤物精詳之察也

詩正義

邢

夢夢訕訕亂也

夢夢訕訕煩懣亂也

釋文

逸逸悶也

藐藐憂悶也

詩正義舍人本

逸逸作藐藐

仇仇敖敖傲也

釋文敖敖舍人本作警警傲作毀

仇仇無倫理之貌警警眾

口毀人之貌

釋文

眇眇瑣瑣小也

眇眇形容小也瑣瑣計謀褊淺之貌

詩正義釋文

邢

按小也余蕭客作小貌

戛戛耜也

戛戛耜入地之貌

詩正義邢疏

郝郝耕也

按詩正義引舍人本郝郝作釋釋

釋釋猶藿藿解散之意

詩正義邢疏

按藿藿余引作霍霍

戢戢祭也

戢戢奉璋之貌

詩正義

鏗鏘樂也

詩正義引舍人作喤喤

喤喤鐘鼓之樂也

詩正義

穰穰福也

穰穰眾多之貌也

詩正義

子子孫孫引無極也

子道長行美道引無極也

藹藹萋萋臣盡力也

藹藹賢士之貌萋萋梧桐之貌

詩正義

皋皋瑁瑁刺素食也

皋皋不治之貌

謔謔謔謔崇譏慝也

謔謔謔謔皆盛烈貌

詩正義

抑抑密也

威儀密靜也

朔朔方也

朔盡也北方萬物盡故言朔也

饔酒食也

釋文舍人本饔作喜

喜古曰饔

釋文按釋文則古曰饔亦當作喜

是刈是穫

是刈刈取之是穫煮治之

詩正義

履帝咎敏

釋文敏舍人本作獻

古者姜嫄履天帝之迹於畎畝之中而

生后稷

釋文

美士為彥

國有美士為人所言道也

詩正義 邢疏

暴虎徒搏也

無兵空手搏之

詩正義

論語正義

籛條口柔也

籛條巧言也

戚施面柔也

戚施令色誘人也

釋文

夸毗體柔也

夸毗卑身屈已也

釋文 史記索隱

釋宮第五

東西牆為之序

太平御覽引舍人牆作廂

殿東西堂序尊卑處

太平御覽

西北隅謂之屋漏

古者徹屋西北扉以炊浴汲者訖而復之

故謂之屋漏也

太平御覽

東北隅謂之窻

東北陽氣始起萬物所養故謂之窻也

太平御覽

東南隅謂之突

舍人本突

東南萬物生蟄蟲必出無不由戶突

太平御覽

御覽

案必與畢通禮月令寢廟畢備呂紀作必備

闕謂之楹

朱儒下小方木

太平御覽

屏謂之樹

以垣當門蔽為樹

太平御覽

室有東西廂曰廟

文選注引舍人

殿有東西小堂也

文選潘安仁為賈謐

作贈陸機詩注

釋器

巢謂之汕

以簿巢魚曰巢者也

太平御覽

糝謂之泔

以米投水中養魚為泔也

太平御覽 按釋文尔
元舊本竝詩傳竝米旁

作糝據舍人
釋當从米

免罟謂之罫

免自作徑路張罫以捕

太平御覽

麋罟謂之罟

麋有難制張罟也

太平御覽

莛罟謂之羅

莛剛惡齧人故張網以羅之也

太平御覽

按一引
作故網

而羅也

款足者謂之鬲

鼎足相去疏間曰鬲也

太平御覽

王引之曰疏
間是疏闊之

訛

大笙謂之巢小者謂之和

大笙音聲眾而高也小者音相和

也

太平御覽

大箴謂之沂 大箴其音悲沂鏗然也詩云仲氏吹箴也

太平御覽

大管謂之箛其中謂之篴少者謂之篴 大管者聲高大故曰

箛箛高也中者聲精密故曰篴篴密也小者聲音清妙也

太平

御覽 按余蕭客引故曰箛者高也脫箛字誤添者字

其中謂之仲小者謂之箛 仲其聲適中仲呂也小者形聲細

小曰箛也

太平 按余蕭客引御覽 適下脫中字

斲斲謂之定 斲斲鉏也一名定

齊民要術

釋地

廣平曰原 廣平謂土寬而平

太平御覽

九夷八狄七戎六蠻謂之四海 晦冥無識不可教誨故曰四

海太平御覽

距齊州以南戴日為丹穴 自中州以南日光所照故曰丹穴

太平御覽

釋水

歸異出同流肥 水異出流行合同曰肥酈道元水經注

水草交為淵 水草木交合也水經注

人所為為涵 涵人力水為居止太平御覽 一切經音義校當 作人力所為可居止

釋草

卉草凡百草一名卉書正義

菴王芻 菴一名王芻詩正義 邢疏

蜀典

卷十上 著作類

六

薪莫大薺 薺有小故名大薺 齊民要術

蔚牧藪 蔚一名牧藪 詩正義 邢疏

瓠棲辨 釋文舍人本瓠作瓠 瓠瓠也 釋文

茶 杏花如茶可耕白沙 說文繫傳 按賈勰齊民要術引古諺曰杏花如何可耕白沙

照秫 秫黏粟也 齊民要術

粢稷 粢一名稷稷粟也今江東呼粟為稷也 春秋正義 切經音義

戎菽謂之荏菽 戎菽今以為胡豆 詩正義 邢疏

莢蘿 莢一名蘿 詩正義 邢疏

白華野菅 茅菅白華一名野菅 詩正義 經音義 邢疏

瓠其紹瓠 瓠名瓠小瓜也紹繼謂瓠子蔓中小瓜曰瓠 詩正義

孝 邢 疏

豐赤苗 芭白苗 別米赤白苗也是伯夷叔齊所食首陽草也

齊民要術 太平御覽

臺夫須 臺一名夫須 書正義 詩正義 春秋正義

菰蚍𧈧 菰一名蚍𧈧 詩正義 邢疏

紅龍古其大者歸 紅名龍古其大者名歸 詩正義 邢疏

華萍 萍一名萍萍大者名蘋 詩正義 禮記正義 春秋正義 邢疏

唐蒙女蘿女蘿兔絲 唐蒙名女蘿女蘿又名兔絲 詩正義

廔九葉 廔九葉九枚共一莖 釋文

倚商活脫 釋文 倚舍人 本作倚音同

藕車芡輿

釋文車多無此字輿字或作與惟郭謝舍人本作輿

漆委葉

漆一名委葉

詩正義邢疏

菟奚顗凍中馗菌

釋文舍人本中馗作中鳩

菟奚名顗東顗東名中鳩

釋文

茗陵茗黃華蘗白華菱

茗陵茗也黃華名蘗白華名菱別華

色之名也

詩正義邢疏

莞苻離

本草云白蒲一名苻離楚謂之莞

詩正義

莖蘗益

青州曰莖

太平御覽

苧麻母

苧苴麻一名麻母

太平御覽

按齊民要術引云苧苴麻盛子也

蕨蘗

蕨一名僊

詩正義邢疏

稂童梁

稂一名童梁

詩正義邢疏

購蒟蒻 購一名蒟蒻 詩正義 邢疏

長楚鉞弋 長楚一名鉞弋 本草云鉞弋名羊桃 詩正義 邢疏

葭華 葭一名華 詩正義

葭蘆菱亂 蘆亂一草 詩正義

釋木

栲山櫟 栲一名山櫟 詩正義 邢疏

柎櫨 柎一名櫨 詩正義

櫨櫨 江淮之間呼小栗為櫨栗 毛詩音義 釋文

榎 釋文舍人本作榎

蘇莖著 釋文莖舍人本作 祇著舍人本作都

杜赤棠白者棠

杜赤色名赤棠白者亦名棠

詩正義 邢疏

按六書故

引云白者為棠赤者為杜為甘棠為赤棠

杞枸櫞

句杞也

春秋正義

夷

釋文舍人本作棧

秋藏棹貢棊

釋文棹舍人本作皐

櫟其實楸

櫟實名楸也

釋文

按朱彞尊經義考引櫟作栗說

櫟梧者櫟枹者謂櫟采薪采薪即薪

釋文舍人本引上句櫟枹來合在此句以謂字作彙

櫟梧者櫟枹者櫟者其理也櫟者相迫附也彙者莖也如竹

箭一讀曰枹也櫟名采薪又名即薪

釋文按迫字一作迫孫交注薪一名彙櫟是

孫本與舍人同

桑辦有甚梔

桑樹一半有甚半無甚名爲梔也

釋文邢疏

校一作

樊光注誤

唐棣移

唐棣一名移

詩正義邢疏

常棣棣

常棣一名棣

詩正義邢疏

春秋邢疏

椅梓

梓一名椅

詩正義

楓爲樹厚葉弱莖天風則鳴故曰楸楸

史記索隱

楸赤棟白者棟 楸名赤棟也

詩正義

宛木苻婁

詩正義邢疏

釋文舍人本苻婁屬下句

釋蟲

蜚蠊蜚

蜚蠊一名蜚

春秋正義邢疏

螟蛉桑蟲 螟蛉者桑上小青蟲也似步屈其色青而細小或

在草葉上

陸璣詩疏 太平御覽

蚍蜉大螳小者螳 蚍蜉即大螳也小者即名螳也

詩正義

食苗心螟食葉螻食節賊食根蝻 此四種蟲皆蝗也實不同

故分別釋之今謂蝗子為蝻一名蠶蝻兗州人謂之螳詩正義

春秋正義

開元占經

陸璣詩疏

邢疏

按春

秋疏引舍人注

食苗心者名螟言冥冥然難知也

伊威委黍

伊威名委黍

詩正義

蠨蛸長螭

蠨蛸名長螭

詩正義

螢火即照

螢火即照夜飛有火蟲也

詩正義

按余蕭客引云夜有火蟲也

鯉鮓

鯉一名鮓

詩正義 邢疏

鱧鯢 鱧一名鯢 詩正義 毛詩音義 邢疏

鯨鮪 鯨石鮪也 毛詩音義 釋文

鰕鮓 釋文鮓舍人本無此字

貝 水中蟲也 詩正義 邢疏

活東 釋文舍人本作穎東盧弼弓校本作穎東

蝮虺 蝮一名虺江淮以南曰蝮江淮以北曰虺 詩正義 切經音義

邢疏

釋鳥

佳其鵠鵠 佳一名夫不今楚鵠也 詩正義 春秋正義 邢疏

鵠鵠鵠鵠 鵠鵠一名鵠鵠今梁謂之斑鵠也 春秋正義 太平御覽 余按

蕭客引說
梁謂二字

舒鳧鵞

鳧野名也鵞家名也

禮記正義
春秋正義

按余蕭客引云鳧
家鵞名也鵞野鵞

也名

鵞鵞鵞

詩正義引舍人
本不正作洿澤

鵞一名洿澤

詩正義
邢疏

鵞鵞老鵞鵞

按舍人
本鵞作鵞

鵞一名鵞老鵞一名鵞鵞雀也主趨

民取麥不得晏起也

春秋正義
李巡孫爰郭氏皆斷

老上屬

鵞下屬惟
按春秋正義舍人

樊光斷鵞鵞為句以老下屬又按余蕭客引鵞一名鵞老鵞
一名鵞鵞雀也當作鵞一名鵞鵞雀也又引云老鵞鵞鵞趣

民收麥令不
得晏起者也

桃蟲鵞其雌鵞

桃蟲名鵞其雌名鵞

詩正義
邢疏

鸛斯鸛鵒

卑居壁居

水經注 按水經注近刊訛作壁屋

鴛鴦母

釋文母舍人本作無禮記正義亦云

鴛周燕燕

鴛周燕燕鳥一物三名

邢疏

鴛周名燕燕又

名鳥

詩正義

鴛鴦鸛鵒

鴛鴦一名鸛鵒

詩正義 邢疏

狂茅鴛

狂一名茅鴛喜食鼠大目也

一切經音義

怪鴛謂鴛鵒也南易名鉤鴛又作格其鳥晝伏夜行鳴為怪也

又云鴛忌欺

一切經音義

按此係俱舍論所引而治禪病秘要法引云一名怪鳥一名鴛鵒南易名

鴛鉤

東方曰鸛西方曰鸛南方曰鸛北方曰鸛

釋四方之雉名也

春秋正義

春鴈鵠鵠

鵠鵠起民種樹也

太平御覽

按種樹一作耕種

夏鴈竊子

起民耘苗者也

秋鴈竊藍

起民收斂者也

冬鴈竊黃

起民蓋藏者也

棘鴈竊丹

為果驅鳥者也

按一作為民驅鳥

行鴈喑喑

晝為民驅鳥者也

宵鴈嘖嘖

夜為農驅獸者也

乘鴈竊脂

為蠶驅雀者也

以上並春秋正義

老鴈鷦鷯

起民收斂令不得晏起者也

按邢疏引左傳九鴈為九農正以此八鴈

蜀典

卷十上 著作類

四

竝上屬鷦為九賈達註云云舍人樊
光注尔正其言亦與賈同故茲錄之

春屬鵯鵊夏屬竊子秋屬竊藍冬屬竊黃桑屬竊脂棘屬竊丹

行屬喈喈宵屬嘖嘖 鵯鵊分循相五土之宜趣民耕種者

也竊子黑色移民耘苗竊藍青色移民收斂竊黃色黃移民

時同依諸屬為節候也御覽按一引云鵯鵊主五土宜穀所
趣民種樹也耘苗作去草青色

作色藍移字
誤宜作趨

皇黃鳥 皇名黃鳥 詩正義
邢疏

晨風鷽 晨風一名鷽鷽鳥名也 詩正義
正義 邢疏 春秋

鴈隼醜其飛也聾 謂作鷽之屬聾聾其飛疾羽聲也 詩正義
邢疏

亢鳥隴 亢鳥高飛也隴隴財可見也 釋文

釋獸

狼牡羴牝狼其子獬絕有力迅 狼牡名羴牝名狼其子名獬

絕有力者名迅 詩正義 春秋正義 邢疏

獬獬 獬一名獬 邢疏

所寢檜 豕所寢草名爲檜 詩正義 邢疏

貌白狐其子穀 貌名白狐其子名穀 書正義 邢疏

熊如熊黃白文 熊如熊色黃白也 詩正義 邢疏

騶如馬一角不角者騶 騶如馬而有一角不有角者名騶 公羊

疏

猶 如麋 釋文猶舍人本作麋

狸子

釋文照家作肆又作隸舍人本作隸

寓屬

釋文舍人本作麋屬

鼯鼠

其鳴如犬也

釋文

按集韻二十廢鼯鼠名其鳴如犬吠丁度等所據釋文本作鼯舍人云其

鳴如犬吠今本脫吹字

鼯鼠

詩云鼯鼠鼯鼠

詩正義按一引云碩鼠五技鼠也

釋音

駮如馬倨牙食虎豹

駮多力獸也山海經云曲山有獸狀如

馬白身黑首一角虎爪音

鼓其名駮食虎豹可以禦兵詩

云騶有六駮是也

一切經音義

騶蹄躡善陞廟

騶蹄者潤蹄也躡平也謂蹄平正善陞廟者

能登山隙也一云馱者阪也言馱善登高厯險上下於阪秦

時有馱蹄苑是也釋文 邢疏 一作研 按釋文蹄

馱駝枝蹄躡善陞廬 馱駝者外國之名枝蹄者枝足也釋文

前足皆白蹠釋文 蹠舍 人本作雞

後足皆白狗釋文 狗舍 人本作狗

白馬黑鬣釋文 舍人同 眾家並作髦

駒頰白顙 的白也頰額也額有白毛今之戴星馬也易震爲

駒頰詩正義 邢疏

陰白雜毛駟 今之泥驄也詩正義

彤白雜毛駟 赤白雜毛今赭白馬名駟詩正義 按余蕭客引 赭下無白字

一目白瞵二目白魚 一目白曰瞵二目白為魚

詩正義

青驪鱗驪 色有淺深似魚鱗也

毛詩疏

青驪繁鬣驪 鬣馬髮也

春秋正義 左氏音義 釋文引云繁鬣馬髮也

按

青驪騊 青驪馬今名騊馬也

詩正義

騊白駮黃白驪 騊赤色名曰駮也黃白色名曰皇也

詩正義 按詩

正義又引舍人云驪馬名白馬一引黃白色雜名皇

田獵齊足 田獵取牲于苑囿之中追飛逐走取其疾而已

詩正義

義

蜀典卷十下

蜀才易注

按經典釋文蜀才易注十卷七錄云不詳何人七志云是王弼後人謝吳夏族該云是譙周案

蜀李書云姓范名長生一名賢隱居青城山白號蜀才李雄以為丞相涪陵丹輿人

坤厚載物

蜀才曰坤以廣厚之德載含萬物無有窮竟也

見李

鼎祚周易集解

陰凝於陽必戰

釋文陰凝荀虞姚信蜀才本作凝

剛中而應行險而順

蜀才曰此本剝卦按上九降二六二升

上是剛中而應行險而順也

原筮元永貞无咎以剛中也

蜀才曰此本師卦按六五降二

九二升五剛往得中為比之主故能原究筮道以求長正而

无咎矣

彖曰泰小往大來吉亨 蜀才曰此本坤卦小謂陰也大謂陽也天氣下地氣上陰陽交萬物通故吉亨

大往小來 蜀才曰此本乾卦大往陽往而消小來陰來而息也

柔得位得中而應乎乾曰同人 蜀才曰此本夬卦九二升上

上六一作九降二則柔得位得中而應乎乾下奉上之義一作象

同於人故曰同人

大輿以載

釋文大車以載蜀才本車作輿

旅否 蜀才曰三升五柔得中于外上順于剛九五降三降不

失正止而麗乎明所以小亨旅貞吉也

君子以攄多益寡

釋文蜀才本哀作攄云取也

勿疑朋合攢

釋文晉鄭云速也晉京房作攢蜀才本依京義從鄭

館有渝

釋文官有渝蜀才本作館

至於八月有凶消不久也

蜀才曰此本坤卦剛長而柔消故

大亨利正也案臨十二月卦也自建丑之月至建申之月凡

歷八月則成否也否則天地不交萬物不通是至於八月有

凶斯之謂也

彖曰大觀在上

蜀才曰此本乾卦按柔小浸長剛大在上其

德可觀故曰大觀在上也

彖曰大觀剛自外來而為主於內 蜀才曰此本遯卦按剛自
上降為主于初故動而健剛中而應也於是乎邪妄之道消
大通以正矣无妄大亨乃天道恆命也

隨 蜀才曰此本否卦剛自上來居初柔自初往升上則內動
而外悅

車脫輶 釋文輶音服又音福蜀才本同

君子以命庶政 釋文蜀才本明作命

其德剛上而尚賢 蜀才曰此本大壯卦案剛自初升為主於
外剛陽居上尊尚賢也

需 此本大壯卦案六五降四有孚光亨貞吉九四升五位乎

天位以正中也

則大咥之嗟

釋友蜀才
本嗟作咥

臨 此本坤卦

彖曰咸感也柔上而剛下二氣感應以相與 蜀才曰此本否卦案六三升上上九降三是柔上而剛下二氣交感以相與也

雷風相與與而動 蜀才曰此本泰卦案六四降初初九升四是剛上而柔下也分乾與坤雷也分坤與乾風也是雷風相與與而動也

損 此本泰卦案坤之上六下處乾三乾之九三上升坤六損

下益上者也

累其角

釋文羸其角蜀才本作累其角

柔進而上行

蜀才曰此本觀卦按九五降四六四進五是柔

進而上行

彖曰明入地中明夷

蜀才曰此本臨卦也案夷滅也九二升

三六三降二明入地中也明入地中則明滅也

其子之明夷

釋文箕子蜀才本作其子

二軌可用亨

釋文二益蜀才本二軌亨蜀才許庚反

君子以澄忿窒欲

釋文懲蜀才本作澄

象曰損其疾亦可喜也

蜀才曰四當承上而有初應必上之

所疑矣初四之疾也宜損去其初使上過行

彖曰益損上益下民說无疆 蜀才曰此本否卦案乾之上九

下處坤初坤之初六上升乾四損上益下者也

君子以除戎器

釋文蜀才云除去戎器脩行文德也

一握爲笑

釋文鄭云握當讀爲夫三爲屋之屋蜀才同

壯于仇

釋文壯于頄蜀才本作壯于仇

繫于金尼

釋文蜀才本尼作尼止也

孚乃利用躍

釋文蜀才本論作躍

莧睦夬夬

釋文莧陸蜀才作睦睦親也通也

柔得中乎外而順乎剛止而麗乎明是以小亨旅貞吉 蜀才

曰否三升五柔得中於外上順於剛九五降三降不失正止而麗乎明所以小亨旅貞吉也

鼓之以雷霆

釋文蜀才云
霆疑爲電

易知則有親易從則有功 蜀才曰以其易知故物親而附之
以其易從故物法而有功也

聖人以此先心

釋文京房荀爽董遇張
璠蜀才等洗心作先心

有功而不置

釋文德蜀
才本作置

大衍之數五十

釋文蜀才
云廣也

聖人之所以極深而罕幾也

釋文研蜀
才本作罕

參天兩地而奇數

釋文倚蜀
才作奇通

辨天下之吉凶

釋文蜀才云別也

效法之謂坤

釋文爻法蜀才作效法

陽城衡樂經

舟張辟雍鴈鴈相從八風回回鳳凰喈喈

尚書大傳

黃鐘磬前長三律二尺七寸後長二律尺八寸

周禮磬氏疏引樂經玉海云

興三禮舊圖所引樂經同

有昭辟雖有賢泮宮田里周行濟濟鏘鏘相從執質有族以文

敕爾瞽率爾眾工奏爾悲頌肅肅雖無怠無凶

周官注

歲星與日常應大歲月建以見

周礼馮相氏疏

土曰壎竹曰管皮曰鼓匏曰笙絲曰絃石曰磬金曰鐘木曰柷

敵此謂八音也法易八卦也

白虎通

壎坎音也管艮音也鼓震音也絲離音也鐘兌音也祝敵乾音

也

同上

十二月行之所以宣氣豐物也月開斗建之門而歌奏其律

後漢

書律歷志注

揚雄琴清英

昔者神農造琴以定神禁

一作齊

淫僻去邪欲反其

一無其字

天真者

也舜彈五絲之琴而天下化堯加二絃以合君臣之恩

裁文類聚

尹吉甫子伯奇至孝後母譖之自投江中衣荷帶藻忽夢見水

仙賜以美藥唯念養親揚聲悲歌船人聞之而學之吉甫聞船

人之聲疑似伯奇按琴作子安之操

水經注

雉朝飛操者衛女傅母之所作也衛侯女嫁于齊太子中道聞太子死問傅母曰何如傅母曰且往當喪喪畢不肯魴終之以死焉傅母悔之取女所自操琴於冢上鼓之忽有二雉俱出墓中傅母撫雉曰女果為雉耶言未畢俱飛而起忽然不見傅母

悲痛按琴作操故曰雉朝飛

郭茂倩樂府

晉王謂孫息曰子鼓琴能令寡人悲乎息曰今處高臺邃宇連屋重戶羣肉漿酒倡樂在前難可使悲者乃謂少失父母長無兄嫂當道獨坐暮無所止

文選注引作當道獨居暮無所宿

於此者乃可悲耳

乃援琴而鼓之晉王酸傷

一作

心哀涕曰子來何遲也

太平御覽

按白

帖引說苑云孫息學悲歌辟琴作鄭衛之音靈公大
惑故作衛公之曲歌而和之卽子雲所言之孫息也

祝牧與妻偕隱作琴歌云天下有道我黼子佩天下無道我負

子戴

菽文
類聚

譙周五經然否論

國不可久無儲貳故天子諸侯十五而冠十五而娶娶必先冠
以夫婦之道王教之本不可以童子之道治之禮十五爲成童
以次成人欲人君之早有繼體故因以爲節書稱成王十五而
冠著在金縢周禮媒氏曰令男三十而娶女二十而嫁內則云
女子十五而笄說曰許嫁也是故男自二十以及三十女自十
五以及二十皆得以嫁娶先是則速後是則晚凡人嫁娶或以

賢淑或以方類豈但年數而已若必差十年乃爲夫婦是廢賢淑方類苟比年數而已禮何爲然哉則三十而娶二十而嫁說嫁娶之限蓋不得復過此耳故舜年三十無室書稱曰鰥周禮云女子年二十未有嫁者仲春之月奔者不禁奔者不待禮聘因媒請嫁而已矣

穀梁傳注

古文尙書說卷王崩成王年十三推卷王以庚辰歲崩周公以壬午歲出居東癸未歲反禮公冠記周公冠成王命史作祝辭告是除喪冠也周公未反成王冠弁開金縢之書時十六矣是成王十五周公冠之而後出也

小記云庶子不爲長子斬不繼祖與禰也此但別庶子而下言

不繼祖者謂庶子身不繼禰故其長子爲不繼祖合而言之也

五經然否論

蜀志秦宓傳初宓論王霸養龍之說甚有通理譙允南少時數往諮訪記錄其言于春秋然否論文多故不載按今然否論此條佚之矣

虞喜難之曰禮文三發二言繼祖一言連禰如但繼禰則應三年何緣須祖煩而失要合于於父舍徑就迂非事實也然則繼祖者必繼禰繼禰者不必繼祖今連禰于祖以已繼之是繼祖也得三年繼禰者不得也至于連禰于祖以別高祖之祖故因禰以繼祖別嫌也

竝通典

漢初一引作書誤或云三老答天子拜遭王莽之亂法度殘缺漢中

興定禮儀羣臣欲令三老答拜城門校尉董鈞駁曰養三老所

以敘事父之道也今通典云所以養三老以敘事父母之道也句有誤若答拜是使天下

答子拜也詔從鈞議通典無此句譙周論之曰禮尸服上服今通典無此二字

猶以非親之故答子拜士見異國君亦答通典答下有士字拜是皆

不得視猶子也

庾喜曰且據漢儀于門屏交禮交禮即答拜矣中興謬從鈞

議後通典後下革之深得其意通典作甚後漢書禮通典

男白二十以及三十女自十五以至二十皆得以嫁娶先是則

速後是則晚矣凡人嫁娶或以賢淑或以方類豈但年數而已

父卒母嫁非父所絕嫡子雖主祭酒宜服期而喪服爲出母期

嫁母與出母俱是絕族故知與出母同也

禮記正義引譙周說

在己國則得爲君服斬夫人齊衰若在他國則不得也

同上按

此上三條俱當屬五經然否論附錄於此

國君爲卿大夫皮弁錫纁以居佗事出亦如之其弔則皆錫纁

布弁而經三月復吉其弔主則服弁經疑纁亦往則服出則不

公及大夫弔絜妾如君弔他國卿大夫皮弁錫纁不經君使人

弔綈主人迎於寢門外見使者不哭先入門右北面弔者入升

自西階東面主人前至中庭弔者致君命主人哭拜稽顙成踊

弔者出去主人拜送于門外君使綈者左執領執要致命訖入

室衣尸乃出他皆如弔既斂之後不衣尸委于尸東席上凡主人出送因拜賓所來者拜訖皆卽位西階下東面哭踊哭訖反室大夫弔服以錫纁用總麻布而夾理之用錫士弔服以疑纁用錫布爲衣而素裳擬於古也其冠各以其纁歸其家猶弔服弁經以居其以佗事出則脫經三月旣葬服吉五世兄弟相爲亦然凡大夫弔其臣異者主人不迎於門外主君入卽位堂下西面主人北面哭主人南面

通典

父卒母嫁非父所絕爲之服周可也

通典

妾不得有繼母名慈母也但慈已無父命者不過小功也

通典

大夫受畿內采邑有家臣雖又別典鄉遂之事其下屬皆上屬

皆上相屬其吏非臣也秦漢無復采邑之家臣郡縣吏權假斬綬代至則除之

通典

遷祖之奠升自西階如初及日載於車下奠設於西方乃陳遺物於庭訖徹奠以巾席俟於西方乃祖車既祖旋向外離於載處爲行始也布席乃奠如初

通典

爲父至葬茀經散塋如小幼時反哭於廟升自西階虞祭於寢杖不入室

通典

或曰有人死而亡其屍者爲招魂葬何如曰夫葬所以藏屍柩也若魂氣則無不之焉諸與藏諸

通典

通典嘉禮注引

古文尙書說荅王崩成王年十三推荅王以庚辰歲崩周公以壬午歲出居東癸未歲反禮公冠記周公冠成王命史作祝辭告也是除喪冠也周公反成王冠弁開金縢之書時十六矣是成王十五周公冠之而後出也許慎異義云荅王崩後管蔡作亂周公出居東是歲大風王與大夫冠弁開金縢之書成王年十四是喪冠也者恐失矣按禮傳天子之年近則十二遠則十五必冠矣

譙周法訓

夫孝百行之本替本而求末未見得之者也如或得之君子不貴矣烏而有反哺況人而無孝心者乎

初學記

羊有跪乳之禮雞有識時之候雁有庠序之儀人取法焉初學記

今有挽歌者高帝召田橫至於尸鄉自斃從者挽至宮不敢哭

故為此歌以寄哀音也

初學記 按世說注引莊子曰紼謳所生必丁斥苦司馬彪注紼引柩索也斥

疏緩也苦用力也引紼所以有謳歌者為人有用力不齊故促急之也春秋左氏傳曰魯哀公會吳伐齊其將公孫夏命歌虞殯杜預注虞殯送葬歌示必死也史記絳侯世家曰周勃以吹簫送喪然則是挽歌之來久矣非起於田橫也

昔燕趙之間有三男子共娶一女生四子后爭訟廷尉延壽奏

云禽獸生子逐母宜以四子還母尸三男子於市

太平御覽 按焦贛易

林節卦曰三夫共妻莫適為雌子無名氏翁不可知即指此事所謂延壽奏者范延壽也

貪忍者難為惠苛煩者難為恭君子以禮而已矣

太平御覽

為國者不患學人之害農而患治民者之不學

太平御覽

利物誘人猶飄風之加庶草也惟有直慎者然後不同

太平御覽

唐虞之衣裳文法禹稷之溝洫耕稼人至今被之

太平御覽

或問母有疾始其妻爲作粥者妻不可以刀擊之夷其面可以

爲孝乎曰以刃妻其親必駭而憂及之何有於孝

太平御覽

桀紂雖有天子之位而無一人之譽也猶朽木枯樹逢風則仆

也

太平御覽

劉項方爭父戰于前子鬥于後

太平御覽

以道爲天下者猶乘安舟而由廣路安舟難成可久處也廣路

難至可常行也

太平御覽

乘船曲折不失其瀆是善乘舟者

太平御覽

人所以貴者以其禮節也人而無禮者獼猴乎雖人象而蟲質

也

太平御覽

鸞車璜珮求中道心

太平御覽

石門於墓古之道耶答曰古不崇墓况損人功而爲觀乎非古

也

封氏聞見記

朝發而夕異宿勤則菜盈傾筐且苟有羽毛不織不衣不能茹
草飲水不耕不食安可以不自力哉

齊民要術序

譬之於物猶素之白也染之以藍則青游居交友亦人之所染
也韓起昇田蘇處而成好仁之名甘茂事史舉用顯齊秦之功
曹參師蓋公致清靜之治王質長君兄弟出於賤隸謹恭師友皆

爲退讓君子語曰蓬生麻中不扶自直此言雖小可喻太必

得其人千里同好固于漆膠堅於金石窮達不阻其分毀譽不

疑其實

太平御覽

或曰君子處陋巷之中奚樂也曰樂得其親樂得其友樂聖人

之道也

太平御覽

王者居中國何也順天之和而同四方之統也

太平御覽

善耕者足以謹地待時而動善射者訓弓定準見可而發故君

子善養其人用足

初學記

太平御覽

風信通謂雙生者以後產爲兄以其先胎此野人之鑿語君子

不測暗安知其胎之先後

史略

有喪而歌者或曰彼爲樂喪也有不可乎譙子曰書云四海遏
密八音何樂喪之有曰今喪有挽歌者何以哉譙子曰周聞之
蓋高帝召齊田橫至于尸鄉亭自刎奉首從者挽至于宮不敢
哭而不勝哀故爲歌以寄哀旨彼則一時之爲也鄰有喪春不
相引挽人銜枚孰樂喪者邪

世說任
誕門注

蜀石經

石刻鋪敘益郡石經孝經一冊二卷序四百三十九字正經一
千七百九十八字注二千七百四十八字孟蜀廣政七年三月
二日右僕射母昭裔以雍經石本校勘簡州平泉令張德釗書
鐫工潁川陳德謙趙希弁讀書附志云云經不題所書人姓氏

殆趙之誤論語三冊十卷序三百七十二字正經一萬五千九百十三字注一萬九千四百五十四字廣政七年四月九日校勘書鐫姓名皆同孝經尔疋一冊二卷不載經注數目廣政七年甲辰六月右僕射母昭裔置簡州平泉令張德釗書鐫者老令昇周易四冊十二卷又略例一卷正經二萬四千五十二字注四萬二千七百九十二字廣政十四年辛亥仲夏刊石朝議郎國史毛詩博士孫逢吉書毛詩八冊二十卷正經四萬一千二十一字注十萬五千七百一十九字將仕郎祕書省祕書郎張紹文書鐫工張廷族尙書四冊十三卷正經二萬六千二百八十六字注四萬八千九百八十二字將仕郎祕書省校書郎

周得貞書鐫工陳德超儀禮八冊十六卷五經五萬二千八百
二字注七萬八千八百九十一字禮記十冊二十卷正經九萬
八千五百四十五字注十萬六千四十九字以唐元宗所刪月
令爲首曲禮次之亦張紹文書周禮九冊十二卷正經五萬五
百八字注十一萬二千五百九十五字將仕郎祕書省祕書郎
孫朋吉書春秋左氏傳二十八冊三十卷序一千六百一十七
字經傳十九萬七千二百六十五字注十四萬六千九百六十
二字穀梁六冊十二卷傳四萬一千八百九十字注三萬九千
七百三十字公羊六冊十二卷傳四萬四千七百三十八字注
七萬七千三十七字畢工于皇祐元年己丑九月望日帥臣樞

密直學士京兆郡開國侯田況益州路諸州水陸轉運使曹穎叔提點益州路刑獄孫長卿暨倅僉皆鑄銜於石成都又謂公穀田况所刻孟子十二卷宣和五年九月帥席貢暨運判彭慥方入石踰年乃成計四冊考異一冊乾道六年庚寅三月旦東里晁公老校石經與監本不同者作爲此書易書詩周禮儀禮記左傳公羊穀梁孝經論語尔疋孟子此正經不同者如此傳註不乖古文尙書三冊三卷蓋唐天寶未廢古書前傳本中汲郡呂大防得之於宋次道王仲至家乃元豐五年壬戌鏤版乾道六年庚寅帥晁公老取以入石敎官張大固等監刊益郡石經肇于孟蜀廣政悉選士大夫善書者模丹入石七年甲辰孝

經論語尔正先成時晉出帝改元開運至十四年辛亥周易繼之實周太祖廣順元年詩書三禮不書歲月逮春秋三卷則皇祐元年九月訖工時我宋有天下已九十九年矣通蜀廣政元年肇始之日凡一百一十二禩成之若是其艱又七十五年宣和五年癸卯益帥席貢始湊鐫孟子運判彭慥繼其成乾道六年庚寅晁公老又鐫古文尙書暨諸經考異洪文敏公邁謂孟蜀所鐫字體清謹有正觀遺風續補經傳殊不逮前且引魏徵虞世南相繼爲祕書日請選五品以上子孫工書者爲書手蓋欲字畫清婉可以傳久所以自經傳以後非士夫所書皆不著姓氏若漢石經今不易得好古者所藏僅十數葉蜀中又以翻

刻入后黃長睿謂開元中藏拓本於御府以開元二字小印印之是元宗時已罕得況今又六百年後耶

成都記偽蜀孟昶有國其相母昭裔刻孝經論語尔正周易毛詩儀禮禮記左傳凡十經于后其書丹則張德釗楊鈞張紹文孫逢吉朋吉周德貞后凡千數盡依太和舊本厯八年乃成公穀則有宋田元均所刻古文尙書則晁公奭所補也胡元質宗愈作堂以貯之名后經堂在府學

玉海蜀后經周易後書廣政十四年歲次辛亥五月二十日公羊傳後書大宋皇祐元年歲次己丑九月辛卯朔十五日乙巳工畢偽蜀相母昭裔取唐太和本刻后于成都學宮與後唐版

本不無小異乾道中晁公遡參校二本取經文不同者三百二
科著后經考異亦刻於后張奐又校注文同異爲后經注文考
異四十卷

晁公遡后經考異序鴻都后經自鄴遷雍遂茫昧于人間唐太
和中復刻十二經立后國學後唐長興中詔國子博士田敏與
其僚校諸經鏤之版故今世太學之傳獨此二本尔按趙清獻
公成都記僞蜀相母昭裔捐俸金取九經琢后於學宮依太和
舊本令張德釗書皇祐中田元均補刻公羊穀梁二卷然後十
二經始全至宣和閒席升獻又刻孟子參焉今考之孝經論語
尔正廣政甲辰歲張德釗書周易辛亥歲楊鈞孫逢吉書尙書

周德貞書周禮孫逢吉書毛詩禮記儀禮張紹文書左氏傳不
誌何人書而祥字闕其畫亦必爲蜀人所書然則蜀人之立石
蓋十經其書者不獨德釗而能盡用太和本固已可嘉凡立八
年其石年數昭裔獨辨之尤偉然也公耆異時守三營嘗對國
子監所摹長興板本讀之其差誤蓋多矣昔議者謂太和石本
校寫非精時人弗之許而世以長興板本爲便國初遂頒布天
下收向日民間寫本不用然有訛舛無由參校判知其謬猶以
爲官旣刊定難於獨改由是而觀石經固脫錯而監本亦難盡
從公耆至少城寒暑一再易節暇日因命學官讎校之石本周
易說卦乾健也以下有韓康伯注略例有邢璣注禮記月令從

唐李林甫改定者監本皆不收外周易經文不同者五科尙書
十科毛詩四十七科周禮四十二科儀禮三十一科禮記三十
二科春秋左氏傳四十六科公羊傳二十一科穀梁傳一十三
科孝經四科論語八科尔疋五科孟子二十七科其傳注不同
者尤多不可勝記獨經文猶三百二科迹其文理雖后本多誤
然如尙書禹貢篇夢土作乂毛詩日月篇以至困窮而作是詩
也左氏傳昭公十七年六物之占在宋衛陳鄭平論語述而篇
舉一隅示之衛靈公篇敬其事而後食其祿之類未知孰是先
儒有改尙書無頗爲無陂改春秋郭公爲郭亡者世皆譏之此
不取決之以臆姑兩存焉亦鐫諸樂石附於經後不誣方將必

有能考而正之者

洪邁容齋隨筆云孟蜀所刻石經其書淵世民三字皆闕畫蓋

避唐高宗太宗諱也

昶父知祥嘗爲莊宗臣然於存勗嗣源字乃不諱前蜀王氏已稱帝而其所立龍興

寺碑言及唐諸帝亦皆半闕乃知唐之澤深矣

呂陶曰五代之亂疆宇割裂孟氏有劍南百度草創猶能取易書詩春秋禮記周禮刻於石以資學者國朝皇祐中樞密直學士京兆田公加意文治附以儀禮公羊穀梁傳所謂九經者備焉

席益記略曰蜀儒文章冠天下其學校之盛遠稱石室禮殿近世則石壁九經今皆存焉廣政七年其相母昭裔校雍都舊本

九經命平泉令張德釗書而刻諸石本朝因禮殿以祀孔子爲宮其旁置學官弟子講習傳授故蜀帥尙書右丞胡公宗愈作堂於殿之東南隅以貯石經蓋自東漢興平元年歲在甲戌始作禮殿逮我宋紹興六年丙辰歷年六百七十有三其間僞蜀刻石經之歲是爲晉開運甲辰至是一百九十有三年

趙希弁曰石經毛詩二十卷經注一十四萬六千七百四十字將仕郎試祕書省校書郎張紹文書蓋孟昶時所鐫

曹學佺四川名勝志諸刻今皆不存所存者孔門七十二子像石經禮記有數段在合州賓館中

吳任臣十國春秋母昭裔河中龍門人蜀左僕射以太子太師

致仕常校雍都舊本九經命張德釗書之刻石於成都學宮孫逢吉成都人廣政中累官國子毛詩博士校定石經分刻蜀中逢吉與句中立之功尤多

鮎埼亭集宋人所稱引皆以蜀石經爲證竝不及唐陝本石經其故有二一則唐石經無注蜀石經有注故從其詳者一則南渡後唐石經阻於陝不至江左故當時學官頒行之本皆蜀石經不知五百年來蜀石經何以漸滅殆盡予畱心按訪二十餘年仁和趙徵士谷林始得其毛詩二卷自南周至衛風耳如以朝饑爲勸饑蓋異聞也唐石經雖非故物然近來顧亭林考證之至詳世頗知畱心者而蜀本則絕無矣程克齋譏蜀石經謂

其春秋以甲午爲申午以癸卯爲葵卯然其書旣多自不無舛錯要之有足資考證者惜乎所見止此

吳任臣十國春秋後蜀主本紀廣政十四年詔勒諸經於石祕書郎張紹文寫毛詩儀禮禮記祕書省校書郎孫朋吉寫周禮國子博士孫逢吉寫周易校書郎周德政寫尙書簡州平泉令張德釗寫尔正字皆精謹按玉海云論語尔正張德釗書春秋經傳穀梁孝經孟子不題書人張德釗讀書志作德鈞誤矣

養新錄云後蜀石刻詩經殘本起召南鵲巢至邶風二子乘舟止經注皆完好經文之異于今本者江有汜之子歸歸上有于字一章皆同迨其今兮其作及不我能惱不下有以字昔育恐鞠無

下育字泄泄其羽泄作洩則承開成石經之舊爲唐諱也經注
中淵字民字皆缺筆孟氏雖竊帝號猶爲唐高祖太宗避諱可
見叅德貞觀之澤久而未亡而孟氏父子居心忠厚亦有君人
之量焉碑於察字皆作窅蓋避知祥祖諱而於知字却不避
依古人二名不偏諱惟避下一字耳歐公五代史云知祥父名
道蜀檣杙則曰名嶽此刻道字屢見皆不缺筆似歐史誤也册
尾有廣仁義學圖記蓋錢唐黃松石家所藏厲太鴻題詩卽是
此本流轉它姓今爲吳中黃堯圃所得惜周南十一篇及鵲巢
序遺失不可問矣

養新錄江有汜三章皆有之子歸句蜀石經歸上竝有于字予

考三百篇中云之子于歸者不少矣之子于征之子于苗之子于狩之子于釣皆四字句此篇亦當依蜀本有于字

養新錄昔育恐育鞠蜀石經無下育字以四字成句亦視他本爲勝